

## Funziuns en onú de Sant Ujöp Frëinademetz sö Oies



en vendres ai 28 de iener:  
ales 20:00 funziun en onú dal Sant da Oies

en sabeda ai 29 de iener:  
ales 16:00 gran messa con le Pater Provinzial (Radio Maria)  
ales 20:00 santa messa



### Vita de ploania y de paisc

- **Pröma Santa Comegnun 2022:** al ven lascé alessei che la festa dla Pröma Santa Comegnun sará eniann **en domegna ai 22 de ma**. En jöbia ai 27 de iener é i geniturs dai mituns y dles mitans enviés a na encuntada por programé la preparaziun ai sacramonc dla Pissia y a dl'Eucaristia.
- **Trei Resc:** por l'aziun dai Trei Resc 2022 él gnü fat spenores por endöt **3.434,12 €**. A düc canc der en bel iolan por la bona man. **Che Dio s'al paii.**



### Enformaziuns y termins

**Comune/1:** i sac dal ciomont ven endô partís fora por döt l'ann 2022, por gauja de coronavirus messunse ennant ciaré da evité che al se formi codes de jont, porchel seise der bel envié da prenoté i sac anter le mens de jená y forá por telefon, ☎ 0474 503760 o por e-mail a [margareth.rubatscher@comun.mareo.bz.it](mailto:margareth.rubatscher@comun.mareo.bz.it) o tó n apuntamont. Al ven recordé che sce zacai adorass ciamó sac ia por l'ann gnarái ma plü dés fora sön prenotaziun.

**Comune/2:** tal zenter de reziclaje él gnü motü a disposiziun trei **contegnidús dla Caritas** olá che **an pó dé jö** sac con quant adoré y cialzá. Le quant é da dé jö te sac slüc (anfate te ci curú), al dess ester te bones condiziuns, zonga büsc o flec. An pó lapró dé jö bianciaria de ciasa, cialzá (ciolés adöm a per), tascas. Al ven perié da ne sciüré nia ete quant lede fora dai sac. **An ne pó nia dé jö** quant scarzé o da defet, tesciü paz y mol, tesciüs de sleta cualité (borduns da puzené), cialzá da büsc o consumés, restli de sartories, ciomont posoch desco madroc y tepih.

**Döt le bun a:** Paul Feichter, La Ila \* 25.01.1937  
y a düc chi co á santennom y complesc i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** **cina le dedemesaledema** sera a Franz Rigo, ☎ 347 2310129 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ [klsottsas@rolmail.net](mailto:klsottsas@rolmail.net)

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



VAL BADIA  
[www.unitepastorala.org](http://www.unitepastorala.org)

Ann C

23.01.2022 - 3. domegna ia por l'ann  
DOMEGNA DLA PARORA DE DIO

n. 9

## Le program de Gejú

📖 Nee 8, 2–4a.5–6.8–10 | 1 Cor 12, 12–31a | Lc 1, 1–4; 4, 14–21

### Dal Vangelo do San Lúca:

<sup>1</sup>Belo deplü s'an n'á tut sora da meter jö na relaziun sora döt ci co é sozedü y co s'á ademplí danter nos. <sup>2</sup>Lapró s'ái tigní ala tradiziun de chi co ea stés dal meterman ennant testimoni oculars y sorvidús dla parora. <sup>3</sup>Sen m'ái ince iu tut dant da ti jí do a döt cant avisa da funz ensö, por le scrí sö bel endolater por te, stimé Teofilus. <sup>4</sup>Ensciö poste ester sogü de podei confidé tal ensegnamont te chel che t'es gnü istruí. Te chel tomp <sup>14</sup>é Gejú, emplí dla forza dal Spirit Sant, endô jü tla Galilea. Y le baié porsora el se slariá fora sora döt le raiun. <sup>15</sup>Al ensinâ tles sinagoghes y gnea aprijé da düc. <sup>16</sup>Ensciö él ince roé a Nazaret, olach'al ea corsciü sö, y é jü, desco zonga, le sábat tla sinagoga. Canch'al é loé sö, por lí fora dla Scritöra, <sup>17</sup>ti án sport le liber dal profet Isaía. Al á daurí le liber y é roé pal toch olach'al é scrit: <sup>18</sup>Le Spirit dal Signur é sön me; deache le Signur m'á unt. Al m'á mené, por ch'i ti porti ai püri na noela de ligreza; por ch'i ti encündi ai sarés ia la deliberaziun y ai verc la löm dai edli; ch'i meti i desgraziés tla liberté <sup>19</sup>y protlameii n ann de grazia dal Signur. <sup>20</sup>Spo ál slüt le liber, ti al á dé al sorvidü dla sinagoga y s'á sonté jö. I edli de düc tla sinagoga ea ôc sön el. <sup>21</sup>Spo ál motü man da ti splighé: Encö s'á ademplí la parora dla Scritöra ch'i eis der aldí.

**I ponsun do:** *Nüsc dis é gonot plens de termins. Entres endo messunse se damané ci co cunta veramonter por nos, entres endô messunse se tó a cör ci che Gejú se dij. Tal meterman de so operé se dij Gejú ci co é por el le plü emportant: se dé da fá por chi co adora aiüt. Cösc é ince le program de vita por nos cristiagn.*

**I periun:** *Bel Dio, la noela y le program de vita de to Fi val ince por nos. Dasse la forza da ascuté sö söa parora y scinchesse ligreza da ti jí do a d'el. Por Gejú Crist, nosc Signur.*

Vesco Wilhelm Egger "Sonntagsbibel"

📖 Letöres dla 4. domegna ia por l'ann:  
ler 1, 4–5, 17–19 | 1 Cor 12, 31 – 13, 13 | Lc 4, 21–30



Edema liturgica dai 23.01. ai 30.01.2022	
<b>DOM 23.</b>	<b>3. domegna ia por l'ann</b> <i>beat Heinrich Seuse, Eugen</i> <b>DOMEGNA DLA PARORA DE DIO</b>
<b>08:30</b>	<b>gran messa</b> por la ploania con la comunité dal Seminar da Porsenú <b>s.m.</b> por †† Germano y Maria Frontull, Mareo <i>oferta por la ploania</i> <b>s.m.</b> por † Ida Frontull, Mareo
10:00	<i>s.m. a Al Plan</i>
<b>Lön 24.</b>	<i>Francesch da Sales, Vera, Arno</i>
18:00	<i>s.m. a Al Plan</i>
<b>Ded 25.</b>	<b>fešta dla Converjiun de San Paul, Susanna</b>
<b>07:30</b>	<b>s.m.</b> por vis y †† d'Ansele <b>s.m.</b> por † Isidoro Pedevilla, Brach
<b>Dem 26.</b>	<i>Timoteus y Titus, Paula</i>
<b>Jöb 27.</b>	<i>Angela Merici, Iulian, Manfred, Rosalia</i>
<b>19:30</b>	<b>s.m.</b> por † Anna Mühlmann ved. Ploner, Framacia <b>s.m.</b> por †† P. Martin y Sr. Ludovica Mühlmann, Baldessé
<b>Ven 28.</b>	<i>Tomesc d'Aquino, Carlo le Gran, Carolina, Karin</i>
→ 19:30	<b>oraziun da Taizé</b>
<b>Sab 29.</b>	<i>Sabeda de Santa Maria   Sant'Ujöp Freinademetz, Valerio, Gerhard</i>
18:00	<i>s.m. prefestia a Al Plan</i>
<b>19:30</b>	<b>s.m. prefestia</b> d'aniversar por † Jep Rigo, Rara <b>s.m.</b> d'aniversar por † Lois Pedevilla, Soröa <b>s.m.</b> por les families Ritsch, Tomele da Rara
<b>DOM 30.</b>	<b>4. domegna ia por l'ann</b> <i>Martina, Serena</i> <b>fešta de Sant'Ujöp da Oies</b>
<b>08:30</b>	<b>gran messa</b> en onú de Sant'Ujöp da Oies por döta la ploania <b>s.m.</b> por †† Jep y Susanna Mühlmann, Baldessé <i>oferta por la ploania</i>
10:00	<i>s.m. a Al Plan</i>
<b>ampola:</b>	por la sanité de na porsona
<b>ministronc:</b>	• <b>dedolönesc y sabeda:</b> Veronica y Judith • <b>jöbia y domegna:</b> Natalie y Elias
<b>i recordun:</b>	Florian Baldissera † 22.01.2016



## Oraziun por la Domegna dla Parora de Dio

### Töa Parora, Signur, é löm sön mio tru.

Tö i daüres i edli ai verc.

Con te ne ciumpeda nia nosc pe.

Tö s'ensegnes da vire la liberté.

Tü ensegnamonc daür sö nosc cörs.

Nos aldiun töa noela de ligreza.

Tö s'ensegnes sapionza y iudize.

To comandamont é ciancia sön nüsc slef.

Da te gní do a te é nosta ligreza.

**Töa Parora, Signur, é löm sön mio tru.**

*Töa Parora, Signur, se mosta a nos le tru.*

*Töa Parora, Signur, se mosta a nos le tru.*

*Töa Parora, Signur, se mosta a nos le tru.*

*Töa Parora, Signur, se mosta a nos le tru.*

*Töa Parora, Signur, se mosta a nos le tru.*

*Töa Parora, Signur, se mosta a nos le tru.*

*Töa Parora, Signur, se mosta a nos le tru.*

*Töa Parora, Signur, se mosta a nos le tru.*


*Töa Parora, Signur, se mosta a nos le tru.*

Gotteslob 990, 1



## I ponsun con le Vangelo (Lc 1, 1-4; 4, 14-21)

- 1>
- 2>
- 3>
- 4>
- 5>
- 6>
- 7>
- 8>
- 9>
- 10>
- 11>



- 1> döt ci co é sozedü y co s'á ... danter nos.
- 2> Lapró s'ái tigní ala ... de chi co ea stés
- 3> testimoni oculars y sorvidús dla ...
- 4> por le scrí sö bel endolater por te, stimé ...
- 5> Y le baié porsora el se slariâ fora sora döt le ...
- 6> Ensciö él ince roé a ...
- 7> Al á ... le liber y é roé pal toch olach'al é scrit:
- 8> Spo ál slüt le ..., ti al á dé al sorvidú
- 9> y ai verc la löm dai ...
- 10> y protlameii n ann de grazia dal ...
- 11> I edli de düc tla ... ea ôc sön el.